

## Simba & Garip, 9mon.



### suechet zäme es nöiis Daheime i Wohnigshautig

Liebi Tierfründe

Gugguseli, mir sy's, dr' Simba u dr Garip, grad emou 9 Mönät aut u scho uf dr Suechi nach eme nöiie Daheime. Warum? Üse Bsitzr cha üs uf Duur leidr nid bhaute, us gsundheitlechi Gründ. Er het scho viu probiert, abr s'geit würklech nid. Itze suechet er für üs uf däm Wäg es nöiis Für-Immr-Daheime. Drum!

Mir sy wie gseit 9 mon., kaschtriert, gimpft, gsung u schtuberein, ganz pflägeliicht. U mir sy Brüetsch, ma sieht's üs ah, gäu?. Wer cha üs ungerscheide? We Du üs hesch dörfe chennelehre, denn isch das ganz eifach: dr Simba nimmt's echener gmüetlech und liebt pfluuse (i Dim Bettli) u schmüesele, immr, mit jädäm, überau. Garip isch da scho echener e Charaktrkatr, er liebt Silberkettli-Schtehle u entscheidet gern säubr, mit wem er schmüelet u wenn. Abr wenn er sich für Dich entschieide het, denn git's kei Haute meh. Mir schpiue böidi für üses Läbe gärn: zäme u mit üsem Mönsh. U mir sy sähr nöigierig. We Du üs tuesch bsueche, denn sy mit parat u begrüesse Di. Mir chenne übrigen nur Wohnigshautig, das gnüegt üs eigentlech, abr e breits gsicherete Baukon, das muess sy, zum Sünnele u Vögeli u Nachbare Beobachte (Schtichwort: nöigierig!). Gäge en gsicherete Garte hättet mir abr ou nüt iizwände.

Mir sy uzertrännlech, üs git's nur im Doppu. Drum sueche mir unbedingt zäme es Daheime bi liebi Mönsh mit Ziit für üs, am liebschte e Familie, gärn ou mit Ching, da, wo immr öppis geit. Angeri Huustier chenne u wönnt mir nid. Chasch Du üs so öppis biete? Siit Dir e toue Familie u suechet Dir zwöi vierbeinige Familiemitgliedr zum Verwöhne? Das wär's! Denn müesset mir üs unbedingt lehre chenne. Derziit wohne mir no z'Winterthur/ZH, abr mir zügeli gärn zu Dir, wo ou immr Du wohnsch. Mäud Di doch bitte ganz baid bi d'Sonja Ball. Sie het sich üs ahgnoh u suechet für üs das nöiie Daheime. Wenn chunsch Du üs bsueche? Mir fröie üs scho uf Di!

**Dini Simba & Garip**



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch